



Број: Т18 0 КТ 0016674 22
Брчко, 24.07.2024. године

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, p o d i ž e m:

О П Т У Ж Н И Ц У

Protiv:

BENJAMINA HASANOVIĆA рођен ... 2004. године у Прибоју, Република Србија (...)

Što je:

1) U periodu od sredine 2022. godine do 05.12.2022. godine, u namjeri pribavljanja protivpravne imovinske koristi, svjestan da je zabranjeno držati radi prodaje i prodavati opojnu drogu, nabavljao opojnu drogu Cannabis Sativa L, tzv. marihuanu koja je pod tačkom 13. na Listi opojnih droga u tabeli I- Zabranjene supstance i biljke, proglašene opojnom drogom, čiji su držanje i promet zabranjeni članovima 4. i 19. Zakona o sprečavanju i suzbijanju zloupotrebe opojnih droga BiH (Sl. list BiH, broj 8/06 i 13/08), a potom navedenu opojnu drogu nudio na prodaju D. M. iz L..., pa je dana 05.12.2022. godine, u svojoj kući u ulici ... br. 5, Brčko distrikt BiH, radi prodaje držao jedan pvc paket prozirne boje u kome se nalazila opojna droga marihuana bruto mase 3,238 grama, pronađeno na radnoj ploči na kuhinji, a prilikom pretresa po naredbi Osnovnog suda Brčko distrikta BiH, osim opojne droge, policijski službenici su pronašli i jedne metalne makaze, te digitalnu vagu za precizno mjerenje,

dakle, nudio na prodaju i radi prodaje držao opojnu drogu proglašenu propisom,

2) Dana 04.12.2022. godine, oko 19,00 časova, u ulici ... broj 38, Brčko distrikt BiH, u stanu koji koristi mljt. 1, u namjeri pribavljanja protivpravne imovinske koristi, fizički napao D. M. koji je došao u stan radi kupovine opojne droge, na način da mu je rukom zadao udarac u predjelu glave i više udaraca u predjelu stomaka, svjestan da silom primorava D. da mu namiri dug, te mu rekao da neće nigdje ići dok mu ne nađe novac u iznosu od 100,00 KM, na ime duga za opojnu drogu, nakon čega mu je D. iz straha predao svoj mobilni telefon marke Nokia 8, i istog dana prijavio policiji navedeni događaj,

dakle, s ciljem da sebi pribavi protivpravnu imovinsku korist silom prisilio drugoga da šta učini na štetu svoje imovine,

čime je učinio krivično djelo – Neovlašćena proizvodnja i stavljanje u promet opojnih droga – iz člana 232 stav (1) Krivičnog zakona Brčko distrikta BiH, i krivično djelo – Iznuda - iz člana 289 stav (1) Krivičnog zakona Brčko distrikta BiH.

[...]

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.
